

本報要目

●十月十八日第三十三號●
論說▲防俄篇(再續前稿)
譯件▲關稅政策(續)
專件▲花翎道員銜職商李涵清請在煙台設立電燈公司稟章(續)
要聞▲主張不贖東清鐵路△贖回電報鐵路減價紀聞△奉省官辦輪船期限△再誌查明放炸彈者事△俄使對於會議滿洲條約之言論
各省新聞▲公報定期出版△大學堂參案
△英人注意海州商埠△大學堂參案
△蕪湖明遠電燈公司招股開辦章程△稟請擴張學額
各國新聞▲英俄聯盟之運動△美國擴充艦隊
奉議▲戶部奏核銷津防練餉摺△閩浙總督崇奏屆期票運鹽課錢糧摺

論說

防俄篇(再續前稿)

夫俄人所協以謀我者其術固多方而不能窮矣然即事而推之則其所操之術固可以臆度而知者
一則以勾結匪徒而侵我東邊也昔俄人之滅波蘭也先鼓動其內亂而後密布間金以要結其臣下俄遂得乘隙而入焉所謂亂而取之利而誘之也夫黑吉奉三省之間哲里木諸盟之地其為馬賊之巢窟匪所出沒也久矣而俄人即利用之以謀我或資其器械以足其兵或助之財帛以足其用及乎劫掠攻奪猖獗異常則又詰我政府以不自救平而因假保商保教保路之名售其增兵佔地之計凡此之類見諸報章者固不一而足矣今雖滿洲南境劃讓於日和議已成目前固萬無違約與兵之理然將來之計畫或恢復長春以南或有事長春以北其藉口啓發於中日必以此為開戰之導線無疑也是俄謀之宜防者一
一則以籠絡蒙古而圖我北方也昔俄人之并中亞也知希注特哈薩克以為阻且希哈之交親於是許哈部以通商免稅之利使傾心於俄而後以兵收之希注遂失其所恃所謂與而取之親而離之也夫喀爾喀之內屬較漠南為獨晚而君國子民之自主國家又不得施其專制之威且自宗喀巴之教行喇嘛之勢力頓增蒙民遂溺於宗教而萎靡不振故俄人利其愚且弱也或習蒙古之文以聯其密切往來之交誼或誘蒙王以利益以謀其開築路礦之實權其連絡喇嘛之陰謀則尤以尊其所尊俾全蒙上下人情舉諸部之土地財產人民隨其皈依喇嘛之心挈而歸之於俄國將來之舉動始必欺其愚闇登以獨立之美名而充為之助繼則欺其萎靡加以無窮之壓制而偏處於亡使之欲歸不得欲拒無從肯特以東抗愛以西不得

不折入俄國版圖之下他年之大欲皆可於今日之詭計觀之也是俄謀之宜防者又一
一則以殖民煽亂而擾我西疆也昔俄人之取西伯利也其始不過以業獵遊獵之人結村落於其間與土人而雜處繼則以交關之故乞援於政府而政府因假名於保護以濟其開拓之謀全土遂為其所有所謂喧賓奪主以強權為道理也夫天山南北之間地既膏腴與俄領中亞為尤近而準回兩部之悍黠其反復亦數見矣故俄人利其地之移民便也兩路之居留遂蒙其民之滋亂易也從中之煽惑益多其隱謀秘策之所施或購回蒙之產業交涉起於私人或因電報之經營影響及於國際必使以細故糾葛而起衝突衝突不已而起禍亂於是給我以辦理之不平責我以保護之不力而請兵自衛而據地不歸阿古伯之亂之前車遂成爲今日之覆轍故日前俄公使對我外部曰近日伊犁新疆回匪滋擾中國不早爲布置則我國爲居留商民之生命財產計不得不調遣兵隊自爲保衛焉絲絲是以觀則俄使之言殆即掠我西土之先聲也是俄謀之宜防者又一
嗟乎俄人謀我之心之深遠如此其至而將來之變計且必有愈出愈奇之一日此豈味於外交關於兵事者所可揣測而知乎況以俄人蠶食之歷史徵之滅波蘭也并中亞也取西伯利也謀之於其先必加兵於其後衡以今日中俄之現勢又豈獨貴乎破其謀而可無軍爭之預備也哉(南)(未完)

譯件

關稅政策(續)

其中如歐美諸國之外交上所以不易者則以此國際間之關稅政策雖在至親之友邦間亦不免於反目蓋前曾取保護政策而一朝欲遽改其方策則不止爲甚難之事而且此曾受庇護之國民一旦忽失其所恃其何以堪此各國政治家所以冒幾多之困難於此關稅政策之辯論有堪堪不倦之情也然吾則非有此念吾於吾國將來之關稅政策亦祇欲使其貿易發達且圖增加我國庫之收入而已故不論對於何國皆不必有挑動關稅戰爭等事執謂於吾尙有所不利哉
且如檢定稅目稅率等事則必賴有一種專門之智識蓋惟詳各種製造工業上之實況而又精於輸出輸入需要供給之關係乃始可於其取捨加減等事不至有銖兩之稍溢也然以智識技術之進步與交通運輸之變遷等而論之似世間之事物無極端爲精詳於此者之所定而一時變勢易之會當亦不可不有所改正也此吾人所以於我之關稅定率法有務須大加修正之論而并論將來與各國改訂稅目稅率之交不可不慎重以行其加減取捨也
吾人之對於關稅政策所懷念欲發者惟如是已耳則如彼所云之排外保護政策實爲吾人所勿取而要性取適當之程度以選定其稅目稅率且取相互主義與各國相適應而保全其權能而已
雖然是不過就關稅主義之大體言之耳若以論海關稅之賦課則亦未嘗不足此護內地之生產業也蓋凡一切之賦稅若以純理言之則俱無不顯有保護作用例如去年當徵收非常特別稅時而於輸入穀類課若干之稅然因其稅率之輕且又依內外經濟之事情而此之穀類輸入反較課稅以前有增加者又同視內地之農產物亦似受此課稅之影響而遂得稍維持其高價故吾人於此雖不必以今日穀價之高謂盡由於關稅之故然試細核其價格之一部即謂其由此而起亦不爲過也夫即此一課輕稅於輸入穀類而全國之農民已均得增加其利益是即爲租稅之妙用也故欲明租稅之妙用即不取用排外保護之政策而亦未嘗不可爭回其利權也(完)

專件

花翎道員銜職商李涵清請在煙台設立電燈公司稟章(續前稿)

案蒙登萊青膠道憲詳批以准在煙台商埠創設電燈公司糾紛承辦並調取章程暨股份數目等因職商蒙批伏思泰西航海諸國以商爲戰最重電燈一事摩化雖殊功用甚溥又爲立公司之一端推廣招徠不遺餘力我國北京及沿海各省仿辦者踵趾相隨悉獲厚利左券能操即爲本省風氣已開濟南設有此項公司成效昭著均爲先路今商人等糾集股份資本銀十五萬兩正每股五百金均發股票擬在煙埠創立公司合力商辦堆事關公益百務草創非宏綱細目條序秩然不足暢行銷而拓基業目下衆股已成發端倍慎再三參酌不厭求詳利之所在弊所叢生苟不明察利弊爲一時權宜之計不爲經久永遠之謀則雖倡興與廢實難踴躍注實難職商累年貿易重洋游歷英美日本朝鮮等國目觀情形見聞較確又與合股同人通盤計議全年子利作爲廿成以十五成歸各股東一成五成報効憲台用伸愚悃所餘四成承辦人爲總理例得一成五成正理理皆須得人在加意訪勸各設一人擬以一成五成正理人以五釐付理人此外集股至萬金以上者准作稽查置設四人以數分付每人付二分五釐合而計之又一成此廿成已無餘剩此時不言利但先立於不敗之地與其彼族預謀利權外溢不若衆商創舉利權內收且此中只集華股不集洋股限制之中即寓抵制之意雖日後創行盈虧未可預知而規則須昭大信特將同人會議所及酌擬詳細章程十四條繕具清單呈憲核即乞鈞裁轉詳撫憲迅示施行發給永遠專利執照以符定章而昭激勵並祈飭令沿海各州縣地方官一律保護實力防範以保無虞是所叩禱若有未盡事宜將來開辦稍定隨時增損再爲聲明專修寸草敬叩助安伏乞垂鑒職商李涵清謹稟
謹將職商創設煙台電燈公司擬定試辦章程繕具清單呈憲鑒
計開
一曰重基址指定煙台通商口岸建設電燈公司一所造端宏遠大集腋成裘茲邀同人入股紳商再三酌議擬定妥善辦法其宗旨以理財用人爲依觀用特加力推求合詞研究粗陳梗概詳載於左
一曰合資資本股票每張五百兩共集成清平銀十五萬兩常年六釐行息無論滯滯一年底一例交付自交到股本局給與息摺之日算起凡本局每年所有賬目大結結時出入數目併觀統算
一曰明限制本局出入賬目半年一小結全年一大結三年一總結其股本指是萬金以上者每年大結以及三年總結皆可查閱三年內帳目如章程稍有不合亦准從中辯論重爲改良若零星小股不得從旁參預免致意見多岐
一曰均價目本局章程悉遵各省憲定成案切實辦理凡文武衙署局所公館房以及酒樓茶室客棧住家安設電燈價值皆一律從廉格外克己以混衆而昭公允
一曰廣存儲常年年底應付利息願取者聽從便如存本局由局另付常年八釐行息息源充足子母相權至三年子息按東股十五成八折分劈與西股無干均分之外若有餘積一款用備將來生意擴張添購機器之用
一曰積實數本局帳目每逢大結除薪水行息房金伙食稅務應酬一切開銷之外淨存餘利作爲廿成以十五成歸股東一成報効憲台以一成五釐歸總理人以一成歸正理人以五釐歸幫理人以一成歸稽查四人各得二釐五釐
一曰專責成本局設總理一人主持庶務事無鉅細以及更換大小夥友應酬調度皆須躬自檢察自與各股東無涉不得干預理問每至結帳以後應將詳細數目開單分送各股東查閱以昭信實其餘設正理一人幫理一人均須選公正誠實歷練和平之人爲合格並置稽查四人凡入股至萬金以上者始准膺斯職任
一曰定賞罰凡大小夥友勤慎辦事積有微勞總理自應格外優待遇三年總結所得餘利於公中提出一釐或二釐酬出力上下夥友等倘有不安本分影射招搖作奸犯科等情一經查出無論何人所薦立即辭職應得花紅子利概不分給若有虧空並向薦保追賠
一曰安本分凡大小夥友辦事理應在局靜守不得任情游蕩不遵號規亦不得代人擔保私印圖章爲人挪借重支正款如有營私挪欠各項情弊定當立即驅逐並向原保人賠償其薪水亦按月開發不准浮支
一曰示禮體正理幫理爲周旋總匯之地凡應酬商夥友人來往酒餽出乎其中需用浩繁擬定常年津貼正理洋銀五百元幫理洋銀二百元以資餘潤若有不敷次年再爲商酌議增或另款抽提用備不足
一曰嚴防範各股東不准挪移局中銀錢將來年久月深若實有意見不合或真有別項事故萬難再合亦可將股票轉售別人預先聲叙
一曰厚根礎一年大結之時本局所有舊存機器按照原購價值八折計算以備陸續置辦房產生財電燈廣行添設機器等件之需按買造之值每大結扣二折以昭永久
一曰便取用每遇大小總結所得餘利按折均分餘利俟添添添添後周年所得之六釐行息每正月十五日憑股東持摺行息正月月底止在煙台議益豐青島謙順省城亦由謙順或由官銀號均可持摺支領
一曰昭信守同人入之股按期起息當付收條將股入齊再發股票每股票外另付息摺一件如股票以及息摺若有遺失祇有妥保爲憑可照數另補一份此後原摺股票如再寬出以前者即請作廢
以上十四條公同會議於地方毫無窒礙於成案又屬相符敬獻芻蕘上備採擇如有未協機宜等處敬乞迅諭施行以便一體遵照

宮門抄

十月十六日 刑部 都察院 大理寺 鑾儀衛值日無引見 出使大臣李經羲請 訓並請假一個月 柯劭荻由天津回京請 安 袁世凱預備 召見 召見 軍機 李經羲 袁世凱

電報

十月十七日東京電本日 召見軍機 袁世凱 無閣抄
西十一月十二號柏林來電
波蘭代表議員已至彼得堡夫地要求政府允許該處自治俄外部大臣薩斯道夫伯爵聲稱如果俄皇親自接見波蘭議員則即即上書乞休
現俄國漸有和平之現象瓦爾塞之鐵路已照舊行車惟各鋪戶尚未開市
現在猶太人之旅居各國者皆聚會商議賑救俄國被難之猶太人
英首相索洛孚昨日在蓋爾爾演說云此後當可各國永遠和睦不相競爭矣
西十一月十三號倫敦來電
俄政府現在波蘭地方頒發軍令恐該處仍有亂事波蘭各處人民皆電致首相威爾遜要求自治之權但威爾遜現正組織政府公共之政治而於民間自治之權深為反對也

要聞

▲▲▲主張不贖東清鐵路
前政府因小村公使不日到京遂提議東清鐵路之問題有主張贖回者有主張不贖回者議論紛紛莫衷一是昨始由某邸定議以財政困難力主不贖 於是各大臣方針乃均為之一變

贖回甯滬鐵路減價紀聞

前盛宣懷在京時與各官會議甯滬鐵路事尤為磋商路價以便贖回第一次商定贖回時 減少壹千萬圓現又商定於常年利息可再 減少二一分此為最近之消息也

奉省官捐輸期限

奉天將軍趙次帥近日咨商戶部以奉省奏准開辦官捐輸收數寥寥刻下財政奇絀而整頓善後事宜需款孔亟擬變通報効捐輸章程倘有報効各項鉅款至萬金以上者准其奏請破格錄用此外各項捐輸應 不拘舉貢生監一律獎給實官 但此項捐輸扣至一年期滿即行停止等因聞戶部已經議准咨覆該將軍照辦矣

再誌查明放炸彈者事

前門車站放炸彈者之姓名已昨報茲又據本館訪員來信云此事京城已刊印傳單佈告大眾茲將傳單照錄於下火車站放炸彈的人現經天津巡警調查出來此人姓名是安徽桐城縣人 同黨汪炳也 被拿住

俄使對於會議滿洲條約之言論

外務部傳出消息日前駐京俄國公使赴部對各官官聲言日本現派專使來京議訂滿洲條約貴國亦欲派王大臣會議此事關係貴國大局日本必有特別之要求凡滿洲將來教育以及一切利權日人已有獨得享受之思想貴政府若不慎重將恐於大局有礙又提議關於東清鐵路之事云云

英人注意海州商埠

上海文匯西報云駐北京英領事聞海州將開作中外通商口岸遂至外務部云英國現擬在該處設立工部局并設巡警等事聞外務部已經駁回矣

大學堂參案

軍機處昨日傳出消息御史錢能訓前日遞封奏揭參大學堂監督光祿寺卿張亨嘉因循廢弛縱容學生以致近來學業不能振興該監督實難勝任請飭撤去差使并請飭下該管大臣嚴查該堂功課約束學生勿得放縱自由等語摺上奉 旨着學務大臣查辦覆奏

本埠新聞

●車站紀事○宣化鎮張軍門派兵在京北橋子地方拿獲劫犯王喜一名年四十餘歲於十七日派差二名押解來津交營務處辦理
●與國兵三十二名有十二名於十七日由京乘火車來津其餘開往塘沽
●昌黎縣派差解款一萬兩赴省於十七日過津
●日本欽差全權大臣小村男爵帶隨員二十餘名同日日本駐京內田公使青木大佐於十六日下午三點餘鐘由塘沽乘專車直赴北京
●駐津俄國提督於十七日由京乘早車來津
●又前任灤州趙選年刺史於十七日由津赴省
●巡警紀事○西門外大街楊恩成客店內有胡振清程萬升因細故爭鬪經崗兵拿送第五局四區巡官朱統勳君訊明情由互有不合判各責數十板隨有張茂等到局求保遂令具結開釋

甄別去留

●甄別去留○前銀局局平日學堂續考二班學生三十名已於十六日晚出榜共取及分之楊丙昇等十六名留堂學習其不及分而人尚安分之范慶祥蕭曾連潘增等三名准再留堂試看餘均開除
●毒虐幼女被拘○西門外娼寮趙某平素虐待妓女種種慘毒日前買得幼女一名因纏足長痛屢行毒打事為縣尊唐大令訪聞昨日特派差頭薛祥將趙並妓女來福及年方七歲之幼女一名一併傳案訊問大令嫉惡如仇想必須盡法嚴懲也
●女學開課○嚴範孫京卿在文昌宮西設立女子小學堂

北京新聞

●優待日使續聞○探聞政府日前與外部大臣會商接待日本專使之事以為此次小村男爵奉派議訂滿洲條約來京係屬日皇特派全權專使非尋常使臣可比我國務以優禮接待當經外部特派司員四人辦理照料一切事宜現租定南御河橋進東北京大飯店樓上以為小村男爵等旅館所有供應均照頭等置辦計每日需費五百元統由外部領款昨日已由外部照會駐京日本公使聲明現奉 諭旨以國賓之禮從優接待小村云
●會商立憲○探聞十五日袁宮保在慶邸府中宴會諸客有端午帥戴傳賢等大臣提議中國立憲之舉并出洋考求政治之辦法
●公宴袁宮保續聞○山東全省京官公議定於本月二十一日假座安徽會館恭備公請袁宮保此舉實為津鎮鐵路之事擬面懇宮保力爭廢約并商籌款先行開辦德州至濟南鐵路云
●金臺書院將改學堂○金台書院創建於康熙四十年初名滿洲義學歲發給金三百兩以為膏火泊乾隆十五年始行擴充易名金台書院嗣後屢有修葺其經費多由順直官紳捐助庚子後 廷議建立學堂就各省舊有書院改設而金台書院遂改為金台校士館然內容未嘗絲毫變動也向例每月二課初二日為官課由府尹府尹府丞輪流值課十六日為齊課由山長主政本月十六日課期山長林君命題為韓琦范仲淹合論尹憲以科舉已停存此舊制徒招物議遂決計以此課為斷嗣後永不考試聞當道有擬改設為順天高等學堂者或謂將改為存古學堂大約不久即可揭曉矣
●學務處擬添設六司○學部設立之原委已詳前報昨政府提議此事因種種阻力遂決意緩設擬先仿照練兵處章程於學務處添設六司以經理學務不日可見諸明文矣
●滿蒙學堂暫行課程○國子監設立滿蒙學堂業經招考取在案茲奉堂諭以開學尚需時日考取諸生暫令每月按二八日交功課一次其以漢文取者課以史論一篇其以滿蒙文取者課以滿蒙字五行俟明春房舍落成再行上課授課
●譯學館擬裁撤宿舍○譯學館監督黃仲弼學士擬將館中宿舍一律讓出添招學生五百名所有學生早出晚回一概不必住堂
●官立小學堂開學日期○北京官立小學堂於三十四兩日開考報名應考者共一百九十一人於十五日出榜計錄正取一百二十人備取二十人定於十八日開學
●回華警察學生派差消息○留學日本警察畢業學生多福

成海等五人自八月回華迄今尚未派差茲經巡警部最確消息每月華侍郎擬暫將五人派為內外城各局東文教員俟部務就緒後再行安置
●小軍機不願為隨員○記名章京某君前經徐大軍機奏調隨往各國考察政治現徐大軍機既不前住某君遂亦有棄足之心而向李兩大臣以該章京夙明外交仍邀借往並託人再四勸駕惟某君則謂小軍機向無外人奏調之例已婉言謝之
●劉都郎勸認國民捐○京師自志士彭翼仲王子貞創辦國民捐認捐者頗形踴躍足見國民程度日進具有愛國熱誠近有吏部員外郎劉君元弼作一勸捐歌作章程十六條遍貼街衢以資勸勵惜其歌句及章程文字太長未能盡錄大意勸同胞急認捐以償國債俾報國恩而蘇民困云云
●夫倡婦隨○地安門內內務府郎中趙某年僅三十有五忽於十四日潛吞阿芙蓉膏自盡其婦某氏亦吞烟同時斃命有知其原委者以部郎父某情性乖張素以非理酷視兒媳部郎既不能以理爭又不能忍受致尋此短見變生骨肉亦云慘矣
●錢舖倒閉何多○京城市面自天津華瑞德倒閉後遂非常吃緊於三五日內京城錢舖倒閉者計有北新和 廣成 寶和 中和 隆源永 匯源六家之多現在人心惶惶手持銀錢票兌付現銀者各號皆是蓋恐為六家之續也
●吏部批示○吏部稽勳司為批示事前任鉅鹿縣訓導劉登瀛呈請起復一案查奏定起復新章須於呈內聲明何年月日到籍守制扣定服滿年月核與呈報相符日期相符即准起復等語今該員呈內既未聲明何年月日到籍且係曾任實缺教職僅繳辦公費四金與新定實缺教職起復章程亦復不符相應批令該員補取同鄉京官印結將起程到籍各日期詳細聲敘並辦公經費補繳到部再行核辦可也此批

保定新聞

●潘憲批示○平鄉縣廩生劉錦阿等呈 批據呈張會昌貢水漁利誠非無因但該生等節次上控亦無非爭此水利豈其為民不聊生因公憤而出此耶此等尋常詞訟應由地方官自理未便率予派員往審且既稱該前升縣朱任內已查勘河開情形通詳立案自不能再有變更候札飭平鄉縣查照朱任內原案核明定斷詳覆察奪該生等仍均回縣投質毋再逗遛纏瀆
●其二 廣昌縣脚戶姜興業呈 批前呈批准飭縣錄案詳覆應俟縣詳到日再行酌辦至所詳有無虛飾本司自能鑒別毋庸過慮煩瀆
●官學堂擬收學費○西關官立高等小學堂刻開該堂經費將罄擬改照民立學堂章程以取學費而資津貼云
●增聘東三省北京保定本埠訪員
本館聘訪友已登報面惟本報宗旨尤注重北方現擬添請以上各處訪員如有願承此乏者乞先酌寄新聞俟本館認定後當專函延聘厚酬薪資用酬雅誼 本館謹白

◎ 售 發 有 均 局 書 各 定 保 津 天 京 北 ◎

<p>●總理學務大臣審定教科書</p> <p>漢書全志附錄 每部洋二元</p> <p>中國歷史教科書 每部洋一元</p> <p>西洋歷史教科書 每部洋五角</p> <p>亞美利加洲通史 每部洋七角五分</p> <p>普通珠算課本 每部洋一元</p> <p>馬氏文通 每部洋一元五角</p> <p>格致教科書 每部洋一元</p> <p>生理學教科書 每部洋一元</p> <p>化學教科書 每部洋一元</p> <p>礦物學教科書 每部洋一元</p> <p>理財學精義 每部洋二角</p> <p>倫理學綱要 每部洋二角</p> <p>教育心理學 每部洋二角</p>	<p>●侯官嚴又陵先生新譯各書</p> <p>英文習話 每本洋一元二角</p> <p>羣己權界論 每本洋八角</p> <p>社會通論 每部洋一元</p> <p>原富 每部洋三元八角</p> <p>羣學導言 每部洋二元五角</p> <p>天演論 每部洋一元二角</p> <p>孟德斯鳩法意上冊 每本洋一元六角</p>	<p>●華英字典</p> <p>華英音韻字典集成 每部洋七元五角</p> <p>華英字典西紙全布面 每部洋一元二角五分</p> <p>華英字典 每部洋六角</p> <p>五彩華英字典 每部洋一元二角五分</p> <p>華英新學典 每部洋一元五角</p> <p>中德字典 每本洋一元二角五分</p>	<p>●最新初等小學教科書</p> <p>國文教科書第一冊 每本洋一角五分</p> <p>國文教科書第二冊 每本洋二角</p> <p>國文教科書第三冊 每本洋二角</p> <p>國文教科書第四冊 每本洋二角</p> <p>國文教科書第五冊 每本洋二角</p> <p>國文教科書第六冊 每本洋二角</p> <p>國文教科書教授法第一冊 每本洋四角</p> <p>國文教科書教授法第二冊 每本洋二角</p> <p>國文教科書教授法第三冊 每本洋二角</p> <p>國文教科書教授法第四冊 每本洋二角五分</p> <p>算術教科書第一冊 每本洋一角</p> <p>算術教科書第二冊 每本洋一角</p> <p>算術教科書第三冊 每本洋一角</p> <p>算術教科書第四冊 每本洋一角</p> <p>算術教科書第五冊 每本洋一角</p> <p>算術教科書教授法第一冊 每本洋一角五分</p> <p>算術教科書教授法第二冊 每本洋一角五分</p> <p>算術教科書教授法第三冊 每本洋一角五分</p> <p>算術教科書教授法第四冊 每本洋一角五分</p> <p>算術教科書教授法第五冊 每本洋一角五分</p> <p>算術教科書 每本洋四角</p> <p>算術教科書 每本洋四角</p>	<p>習字帖第二冊 每本八角</p> <p>修身教科書第二冊 每本一角</p> <p>修身教科書 每本一角</p> <p>修身教科書教授法第一冊 每本洋一角</p> <p>修身教科書教授法第二冊 每本洋一角</p> <p>習畫帖學生用共八冊 每本洋七角</p> <p>習畫帖教員用 每本洋三角</p> <p>中國歷史教科書二冊 每部洋五角</p> <p>中國外國地理教科書 每部洋一角</p> <p>文學初階 卷一 三四二</p> <p>文學初階 卷二 六五</p> <p>文學初階 卷三 四二</p> <p>數學教科書 每部洋三角</p>	<p>●最新高等小學教科書</p> <p>中國歷史教科書共四冊 每部洋七角</p> <p>理科教科書共四冊 每部洋八角</p> <p>地理教科書四冊附萬國輿圖一冊 每部洋八角五分</p>	<p>●最新中學教科書</p> <p>中國歷史第一冊 每本洋七角</p> <p>中國歷史第二冊 每本洋五角</p> <p>西洋歷史 每本洋一元五角</p> <p>物理學 每本洋一元</p> <p>生理學 每本洋一元</p> <p>熱學 每本洋七角</p> <p>力學 每本洋一元</p> <p>磁學 每本洋四角</p> <p>化學 每部洋一元四角</p> <p>中國地理學教科書 每部洋一元</p> <p>植物學教科書 每本洋一元</p> <p>礦物學教科書 每本洋六角</p> <p>靜電學教科書 每本洋六角</p> <p>萬國史綱 每本洋一元</p>	<p>●最新高等學堂教科書</p> <p>微積分學 每部洋一元六角</p>	<p>●最新學堂用地圖</p> <p>大清帝國全圖 每部洋四元</p> <p>坤輿東西兩半球圖(甲)布綾掛軸 每全幅價洋三元五角</p> <p>坤輿東西兩半球圖(乙)布綾摺疊 每全幅價洋三元五角二分</p> <p>坤輿東西兩半球圖(丙)洋紙摺疊 每全幅價洋一元五二</p> <p>萬國輿圖 每本洋三角五分</p> <p>西洋歷史地圖 每本洋八角</p> <p>歐洲輿圖地圖 每張洋五角</p>	<p>●歷史教科書</p> <p>耳目曼史 每本洋七角</p> <p>法蘭西史 每本洋四角五分</p> <p>俄國歷史 每本洋五角</p> <p>希臘史 每本洋七角五分</p> <p>泰西民族文明史 每本洋三角五分</p> <p>世界近世史 每本洋八角</p> <p>羅馬史上 每部洋八角五分</p>
---	---	--	--	--	---	---	---------------------------------------	--	--

孟晉書社 本社運售漢洋文圖籍儀器中外紙劄筆墨選製南北各式帳簿屏對箋計批發本社自譯及上海各局新學諸書並舊各報定價格外公道仕商賜顧請移玉天津北馬路龍亭東 電話一百另六號 心理易解八角物理易解一元代派教育世界全年五元五角

北京華新書局告白

今者科舉已停後學蒙童皆須入小學堂以造就才而中年以往之生童文學既已略涉藩籬自當研究新學之旨以爲小學師範之資本本局爲扶助教育界起見茲擬編纂小學各科教科書及教育科學等書以爲小學堂師生之所取資頃已延聘通儒分任初等小學中國歷史必讀書小學一書以備小學教習之用初等小學法小學校管理小學各科教科書授法改良論現已編成付印即日出版凡小學堂諸君惠顧者如購足五十部者可移玉本局面議折扣校管理小學各科教科書每部大洋一角五分師範必需教育學每部大洋六角 初等小學中國地理教科書每部大洋一角五分

新接各報 本埠新出津報：北洋官報、京報、中外實報、日日新聞、青龍報、多聞報、直隸白話報、第十四期、併音子母官話報至廿一期。南苑新報：京話日報、京報、中華報、同文電報、江蘇電報、外報、大陸報、順天時報、新加坡通訊報、第十三期、字彙報、諭旨彙報、申報、時事新報、開國粹學報、鈔錄彙編、第七期。台之梁報：一至三期。上海白話報：四期。廣東新報：五期。南方報：六期。杭州白話報：七期。天津城府最新地圖：每份洋三角。賜閱：諸君本埠風雨勿阻外埠原班同件。天津鄉祠南信報處李茂林收。

昇大馬車公司 本行開設法界馬家口德義樓南首聘請浙甯名司事造各國時樣馬車應用一切木料鐵器等件皆由外洋自運木料貨堅固車式玲瓏比衆不同如蒙中外官商賜顧或修或造均可務請駕臨本行面議其價格外從廉以廣招徠此佈

本行啓

籌經費飭令多備磚石棧料務期布置完密及至秋汛水漲起驗之文絡繹不絕臣一再嚴飭工員拚力抵禦不准稍有疏虞諸員亦踴躍用命晝夜搶護力與水爭卒能化險為夷使數年來縱橫盪決之狂流竟能安軌循往不至泛溢為患現屆霜降三游一律安瀾實為近年所未有此皆仰賴 皇太后 皇上福庇 河神效靈臣欣幸之餘倍深微惕相應懇 仰頒發大藏香並 御書扁額一方由臣祇領虔詣 大王廟懸掛祀謝以答 神庥在工各員履蹈危險晝夜經營跡其爭命舍其尤為勤奮出力之員自應照章先行請 旨給獎以昭激勸合無仰懇 天恩俯准將候補道何國祿徐世光均請加二品銜並加隨帶二級直隸候補道張愷康請遇有管河道員缺出儘先補用候補道許之琪呂耀良均請加二品銜試用道杜重寅請歸候補班補用並加二品銜候補知府何澍熙臣均請酌補本班以道員仍留原省補用直隸州用直隸候補知縣徐元請俟補缺後免補直隸州以知府仍在任候補試用通判金恆謙試用知縣張肇堇均請免補本班以直隸州知州仍留原省補用出自 鴻慈現在水已歸槽仍當嚴飭在工文武認真防守毋得稍涉大意所有節次霜降三汎安瀾緣由理合恭摺馳陳伏乞 皇太后 皇上聖鑒訓示謹 奏奉 硃批 另有旨欽此

○小說○

補偵 探談

黑面塔 (冷譯)

(第二) 奇島發現

方余乘海星丸以出橫濱口也。凡閱旬餘。行汪洋大海中。羣島星羅。怒濤澎湃。船體顛簸。特甚。人在其中。若狂若醉。跋涉之苦。筆難罄述。某夜始達澳斯脫利亞洲之北濱。其船本往美耳本及雪梨去者。至此見有一小島。其島廣袤十許里。中有高峯。距離澳洲不遠。將傍近該島之海面。猛聽氣笛一聲。蒸氣機或總或絕。嗚咽慘壯。並聞甲板上水手。測量深淺。高聲喝報。其悲壯之聲。聞之令人悽測。

時余方臥。知船已進港。不覺大喜。數日疲勞。頓置雲外。急下床登甲板。憑眺四邊景色。一目無盡。然船離埠甚遠。惟見岸上燈光隱約可辨。

是時夜色已沈。余以心有所念。反覆展側。不能入夢。既夜色將曙。星光漸微。遙聞鷄犬聲。徹耳不絕。未幾天明。余乃起而盥洗。復上甲板。則已旭暾東昇。光射海面矣。海鳥飛翔。景色如畫。空氣甚舒。遂取小遠鏡眺之。遙見島中房屋層疊。樓閣參差。山川林木。一一入目。唯有一事甚可驚異。蓋其時正當夏五。而山頭屋面。尚堆濃雪。細審之。非但高處如是。即平原低壑。莫不一白如銀。雪日相映。頗堪眩目。

是時余甚詫異。竊念此島。非所謂黑面島耶。余以為黑面云者。是必陰鬱幽僻。古所謂無人之鄉域。今乃景色若是。實出意料之外。垂首默思。不解其理。忽聞足聲出吾側。則二等水手也。余遂起與為禮。問曰。

我欲問君。此非所謂黑面島耶。何以一望皆白也。

